



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Saxonia || Et || Metropolis || Alberti Crantzii || Historici  
Doctiss. Sacrae || Theologiae & Iuris Canonici Doctoris ||  
celeberrimi, ac Ecclesiae Ham-||burgensis quondam  
Decani**

**Krantz, Albert**

**Coloniae, 1574**

Capvt XIII.

**urn:nbn:de:hbz:466:1-11453**

unt imperata: Leonē collocant, Benedīctū dedūt. Scribit idem Sigebertus, Benedīctum priusquā dederēt, à Leone esse exarmatum, & omnibus sacris ordinibus exauthoratū, & vt verbo illius vtat, exordinatum. Erat, vt diximus, in comitatu Imperatoris Adaldagus Hamburgensis archiepiscopus, Imperialis cancellarius, qui iam annum quintum aberat ab ecclesia sua: reuocatus crebris suorum literis & lachrymis, cū immiscerent minas: quare institutus, ab Imperatore poposcit missionem. Annuit Imperator, Benedīctum illi commendans, vt secum ductum, perpetuū teneret in prouincia. Itā Adaldagus Benedīctum quondā summum Pontificem perduxit Hamburgum: ibiq; paucis superuiuens idem diebus, dolore animi confectus, diem suum obiit.

## CAPVT XIII.

**S**ic testantur consona voce Italicorum, Gallorum, & nostrorum annales, itā monstrat inscriptio sepulcri. Erubescant igitur, qui ex hoc die fabulantur martyrio fuisse coronatum Benedīctum Hamburgi cum cardinalibus, ducibus, & comitibus: quam anilem delirationem plenius in nostra Metropoli confodimus. Libet verba inserere nostrorum annalium: Reuersus in patriam Adaldagus, duxit in comitatu suo Benedīctum Papam ordinatum, sed ab Ottone Imperatore depulsum, quem ille in Hamburgo mācipari praecepit. Archiepiscopus vero ipsum cum magno honore vsque ad obitum eius detinuit: nam vir sanctus literatusq; fuisse dicitur: qui & dignus apostolica sedis videretur Romano populo, nisi quod per tumultum est electus, eiectō eo, quem ordinari praeceperat Imperator. Igitur in sancta conuersatione viuens, aliosq; sanctē viuere docens, cū iam Romanis poscentibus à Casare restitui debuisset, apud Hambur-

P S gum



gum in pace quieuit, IIII. Nonas Iulij. Erat autem supputatione annalium, concordante Eusebij continuatore, post nongentesimum sexagesimus quartus. Et inde conuincitur error in sepulcri eius inscriptione, quæ temporibus non respondet. Interea Imperator rebus in Italia pro tempore constitutis, descendit in Germaniam, & peregit Pentecostes solennitatem Aquisgrani: Eo conuenerat omnis nobilitas de Imperatoris genere: Soror eius Gerberga, regina Francia: Soror Hadnida, vxor Hugonis comitis Parisiorum, quorum filius Hugo postea regnauit in Francia. Mira solennitas & rerum pompæ pro Imperatoria magnificentia, ad conuentum tam magna lataq; nobilitatis. Ibi Bruno archiepiscopus Coloniensis, frater Ottonis legationem suscipit in Franciam, ad componendos nepotes ex sororibus. Compendij dum esset, in formula compositionis laborans, febre correptus, testamento ordinato, concessit è vita: Vir omni virtutum genere laudatissimus, qui & religiosam & secularem militiam pariter impleuit: non enim deerat ecclesiastico ministerio, pariter à fratre constitutus gubernator Lotharingia: quæ iam diu prouenit per Ottonem Romano Imperio. Wilhelmus quoq; Ottonis Imperatoris filius, archiepiscopus Moguntinus, per eadem quoque tempora emigravit.

## CAPVT XIII.

**R**emansit Imperatori fixa de Magdeburgensi de surrigenda sententia, etsi temporaliter per Bernhardum Halberstadensem episcopum intercluderetur. Prouiderat iam Otto, ut ad eam rem summi Pontificis decretum haberet, etiam repugnante episcopo valiturum. Sed iam Bernardus in fata concessit, successorq; illius, præsertim accedente Romani Pontificis ordi-